



Broj: 17-06-1-16-2-10-~~7~~ /17
Datum, 02.06.2017. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09), člana 69. i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

O D L U K U

I

Prihvata se preporuka Komisije za javnu nabavku, da se okonča, odnosno poništi Konkurentski postupak - Nabavka kancelarijskog namještaja iz razloga što su svi ponuđači čije su ponude ocijenjene kao prihvatljive i koji su učestvovali na E-aukciji, nakon održavanje iste, odustali od daljeg postupka predmetne javne nabavke.

II

Odluka stupa na snagu danom donošenja.

O b r a z l o ž e n j e

Granična policija BiH Odlukom broj: 17-06-4-16-2-10/17 od 02.03.2017. godine pokrenula je Konkurentski postupak - Nabavka kancelarijskog namještaja. Na javnom otvaranju ponuda održanom 20.03.2017. godine konstatovano je da je u ostavljenom roku pristiglo pet ponuda i to ponuđača «MIRA-MAR» d.o.o. Foča, «PINUS Engenering» d.o.o. Sarajevo, «TOP SPORT» d.o.o. Bijeljina, «KRANING» d.o.o. Puračić i «INTER-COM» d.o.o. Zenica.

Na sastanku Komisije održanom dana 04.04.2017. godine pregledom pristiglih ponuda konstatovano je da od pet pristiglih ponuda dvije nisu prihvatljive i to ponude ponuđača «KRANING» d.o.o. Puračić iz razloga što uz original ponude nije dostavljena kopija ponude, kako je traženo tačkom 11. tenderske dokumentacije, te ponuđača «PINUS Engenering» d.o.o. Sarajevo iz razloga što ponuda ne sadrži «Popis dokumentacije priložene uz ponudu» kako je traženo tačkom 11. c) tenderske dokumentacije. Ponude ponuđača «MIRA-MAR» d.o.o. Foča, «TOP SPORT» d.o.o. Bijeljina i «INTER-COM» d.o.o. Zenica ocijenjene su kao prihvatljive, s tim da pravo na primjenu preferencijalnog tretmana domaćeg ima ponuđač «MIRA-MAR» d.o.o. Foča. Ponuđači, čije su ponude ocijenjene kao prihvatljive, prijavljeni su za učešće na E-aukciji.

Na sastanku Komisije održanom dana 26.04.2017. godine konstatovano je da je dana 21.04.2017. godine održana E-aukcija. Po okončanju E-aukcije formirana je rang lista ponuđača kako slijedi:

1. «MIRA-MAR» d.o.o. Foča sa konačnom ponuđenom cijenom od 12.200,00 KM (slovima: dvanaesthiljadadvijestotine KM) i priznatim preferencijalnim tretmanom domaćeg;
2. «TOP SPORT» d.o.o. Bijeljina sa konačnom ponuđenom cijenom 11.000,00 KM (slovima: jedanaesthiljada KM);
3. «INTER-COM» d.o.o. Zenica sa konačnom ponuđenom cijenom 11.086,00 (slovima: jedanaesthiljadaosamdesetšest KM);

Komisija je odlučila da se prvorangiranom ponuđaču «MIRA-MAR» d.o.o. Foča uputi zahtjev da do 05.05.2017. godine dostavi po jedan uzorak ponuđenih proizvoda pod rednim brojem 4. (kancelarijska stolica sa točkicama) i pod rednim brojem 5. (konferencijska stolica) u skladu sa tačkom 29. Tenderske dokumentacije.

Na sastanku Komisije održanom dana 08.05.2017. godine konstatovano je da prvorangirani ponuđač «MIRA-MAR» d.o.o. Foča nije postupio po zahtjevu od 27.04.2017. godine, odnosno da nije do 05.05.2017. godine dostavio tražene uzorke, te je iz tog razloga Komisija ocijenila da je ponuđač «MIRA-MAR» d.o.o. Foča odustao od učešća u daljem postupka predmetne javne nabavke i odlučila da se drugorangiranom ponuđaču «TOP SPORT» d.o.o. Bijeljina uputi zahtjev da do 17.05.2017. godine dostavi po jedan uzorak ponuđenih proizvoda pod rednim brojem 4. (kancelarijska stolica sa točkićima) i pod rednim brojem 5. (konferencijska stolica) u skladu sa tačkom 29. Tenderske dokumentacije.

Na sastanku Komisije održanom dana 19.05.2017. godine konstatovano je da drugorangirani ponuđač «TOP SPORT» d.o.o. Bijeljina nije postupio po zahtjevu od 09.05.2017. godine, odnosno da nije do 17.05.2017. godine dostavio tražene uzorke, te je iz tog razloga Komisija ocijenila da je ponuđač «TOP SPORT» d.o.o. Bijeljina odustao od učešća u daljem postupka predmetne javne nabavke i odlučila da se trećerangiranom ponuđaču «INTER-COM» d.o.o. Zenica uputi zahtjev da do 25.05.2017. godine dostavi po jedan uzorak ponuđenih proizvoda pod rednim brojem 4. (kancelarijska stolica sa točkićima) i pod rednim brojem 5. (konferencijska stolica) u skladu sa tačkom 29. Tenderske dokumentacije.

Na sastanku Komisije održanom dana 26.05.2017. godine konstatovano je da trećerangirani ponuđač «INTER-COM» d.o.o. Zenica nije postupio po zahtjevu od 22.05.2017. godine, odnosno da nije do 17.05.2017. godine dostavio tražene uzorke, te je iz tog razloga Komisija ocijenila da je ponuđač «INTER-COM» d.o.o. Zenica odustao od učešća u daljem postupka predmetne javne nabavke.

Obzirom da su sva tri učesnika na E-aukciji odustala od daljeg učešća u ovom postupku javne nabavke, u konkurenciji nije ostala ni jedna prihvatljiva ponuda, pa je Komisija dala preporuku da se predmetni postupak javne nabavke poništi u skladu sa članom 69. Zakona o javnim nabavkama Bosne i Hercegovine

Na osnovu naprijed navedenog odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi BiH u roku od 5 (pet) dana od dana prijema Odluke. Žalba se predaje putem Granične policije Bosne i Hercegovine.

DOSTAVITI:

- Ponuđačima (x5)
- Odsjek za poslove nabavke i logistike
- a/a

